

Rau Tau Paulus Iboode Pa Yes Epesus Efesus—Ephesians

¹ Yau Paulus. Maaron ighur ghau namin mbanjoona to Yesu Kresi itaghon tauu loolo. Nabood rau tane ilat pa yam tamtamon patabuyaana to Maaron tau aleep izi nugh Epesus, ve aghur ila to Yesu Kresi, ve apaak ila tooni. *

² Poia to Tamaan Maaron ve Tiina toit Yesu Kresi izaa tsiam, ve tingin gham aleep poia toman lolomim luuma. Onoon.

Kresi imin eez pa poia to Maaron izaa toit

³ Iit tapait Maaron tau Tiina toit Yesu Kresi Taama. Pa iit tau tapaak Kresi ve taleep ila tooni na, Maaron igham poghani ghiit, ve igham gabua popoia naol to nugh sambam pait, leso ipalot anunuun.

⁴ Aghita. Iit tau tapaak Kresi ve taleep ila tooni na, muun kat, saawe tau Maaron ighur sambam ve taan soone, i isiigh ghiit ighe igham ghiit tamin i le. Leso tamin tamtamon tooni patabuyaana, ve leen sosor eta ila i maata mako. *

⁵ Tauvene muun kat, Maaron loolo igheen toit, ve maata ingal ighe igham ghiit tamin i natna ila uraat to Yesu Kresi. Ene i itaghon tauu loolo ve poia tooni. *

* **1:1:** Mbanj 18:19, 19:1, 20:17+ * **1:4:** Ro 8:28+; Kol 1:22; 2Tes 2:13; 2Tim 1:9 * **1:5:** Yo 1:12; Ga 4:5

⁶ Maaron ighe tamtamon tipaiti pa poia tooni. Tauta igham poghani ghiit sorok itaghon tauu loolo ve ngar tooni, ve ighur poia tooni tiina kat iza toonit tau tapaak Naatu Yesu Krisi ve taleep ila tooni. Naatu tana, Taama Maaron loolo ighen tooni kat. *

⁷ Poia to Maaron, ene tiina le tiina kat. Iit tamtamon tau tapaak Krisi ve taleep ila tooni na, sinj tooni ipas ghiit tavot pa saghati tapiri, ve ireu sosor toit isov ilale. *

⁸ Tauvene Maaron ighur poia tooni tiina kat iza toonit. Ve i ipaghazonjai ghiit pa ngar popoia naol, leso taghazonj pani.

⁹⁻¹⁰ Ngar yongaanja tooni tau ighen ila tauu loolo, tauta Maaron ipaghazonjai ghiit pani wa. Ngar tawe injarui Yesu Krisi. Pasaa, Maaron ighe igham pooz pa gabua naol isov ila le ighe saawe duduunj tau i tauu ighuru na ivot, mako ilup gabua naol isov tau tileep izi sambam ve taan na timin eemon, ve ighur zi tileep ila Krisi saamba, ve Krisi imin daaba pazi. *

¹¹ Saawe isov, Maaron igham gabua naol isov tivotvot itaghon tauu loolo ve ngar tooni. Iit tamtamon tau tapaak Krisi ve taleep ila tooni na, muunj kat, Maaron isiigh ghiit itaghon tauu loolo ighe igham ghiit tamin le. Tauta aazne tagham gabua popoia naol ila tooni. *

¹² Ve i ighe yei Yuda tau nighur ila to Krisi imin maata na, nipaghazonjai tamtamon pa tapiri ve poia tooni, leso tipait eeza.

* **1:6:** Mt 3:17 * **1:7:** Ro 3:24; Kol 1:14; Hib 9:12; 1Pe 1:18+

* **1:9-10:** Ro 16:25+; Ep 3:9+; Kol 1:16, 26 * **1:11:** Ro 8:28+; 2Tim 1:9

¹³ Ve yam paam. Saawe tau aloon saveen onoon to vaaru poia ve aghur ila, yamja Krisi avalupu gham amin eemon. Pasaa, saveen tawe ipaghazonai gham pa eez tau Maaron igham mulin gham ila uraat to Krisi. Ve Krisi ndaamo payam, tauta Maaron igham Avuvu Patabuyaan payam itaghon saveen mbuaan tooni. Avuvu tawe, ene imin ilaal payam ighe yam tamtamon tooni. *

¹⁴ Maaron Avuvu tau taghamu ne, ene imin puughu pa gabua naol isov tau murei i pale igham pait. Leso taghur ila taghe ezaan pa ghamuun gabua tawe, ve tasaan saawe to i igham mulin ghiit, ve igham ghiit tala taleep tomania izi nugh sambam. Tauvene iit tapait Maaron eeza pa tapiri ve poia tooni. *

Sunjuun to Paulus

¹⁵ Yau naloon varumim tige yam aghur ila kat to Tiina toit Yesu, ve lolomim pa tamtamon patabuyaan tisov to Maaron ve aghamgham poghani zi. *

¹⁶⁻¹⁷ Saawe tana ve ilam, yau napul sunjuun payam mako. Saawe isov, matag ingalngal gham ila sunjuun tsiau. Tiina toit Yesu Krisi Taama Maaron, eeza tiina pa tapiri ve poia tooni. Yau napapaiti toman lolog poia kat pa uraat tau i ighamghamu ila sosomim. Ve nanoknok ghasoniin ni naghe tauu Avuvu igham gham

* **1:13:** Yo 14:16+; Ga 3:14; Ep 4:30; Syg 7:3 * **1:14:** Ro 8:23; 2Kor 1:22 * **1:15:** 1Tes 1:2+

aghilaal ngar popoia, ve ipaghazonai gham pa Maaron ngar tooni, lesa awatagh katin Maaron. *

18 Ve naghe Maaron igham ghazona tooni isul ila lolomim, lesa aghilaal gabua popoia maata maata tau i ighe igham pa tamtamon tooni na. Ene gabua tau aazne yam aghurghur matamim pani na. I ipoi gham amin le, lesa agham gabua tawe. Onoon kat, iit tamtamon to Maaron ezaan pa ghamuuj gabua katini tau paghunazi kat.

Tauta naghe yam awatagh katin zi. *

19 Ve naghason Maaron naghe igham gham aghilaal katin tapiri tau iuluul iit tamtamon tau taghur ila tooni. Tapiri tawe, ene tiina le tiina kat. Ighe tagham ngar pani, aat tarao mako. *

Aazne, Krisi ileep izi saamba ve injin gabua naol isov

20 Maaron tapiri tau aazne iuluul ghiit ne, ene raraate imin tapiri tau ipaburigin Krisi pa mateegh, ve ighamu izala sambam gha mboole izi ila Taama Maaron niima tapir. *

21 Tauvene aazne, Krisi ileep ta saanja we, ve ighamgham pooz pa gabua naol isov. Yes pooza ve daaba tau tinginjin gabua, tomania gabua arianazi to sambam ve taan tau lezi tapirizi tiina na, gabua naol isov tau lezi ezazi, ene Krisi eeza ve tapiri iliiv zi kat, ve tisov tileep ila i saamba. Ta aazne, ve saawe murei paam. *

22-23 Pasaa, Maaron ighur gabua naol isov tileep ila Krisi saamba wa. Tauta i imin daaba pazi ve

* **1:16-17:** Kol 1:9; 2Pe 1:3 * **1:18:** Mbanj 26:18; 2Kor 4:6 * **1:19:**

Ep 3:16; Kol 1:29 * **1:20:** 2Kor 13:4; Kol 3:1; Hib 1:3+ * **1:21:** Mt 28:18; Kol 1:16+; Pil 2:9+

ighamgham pooz pazi. Ve pooz tooni, ene to iuul yes tau tileep ila lupuun tooni. Lupuun tana, ene imin Krisi tauu anooŋa. Ve i ileep ila lolozi ve ipavon zi pa tapiri ve poia tooni, imin i ipavon gabua naol isov, ve igham pooz pazi. *

2

Maaron igham lepoogh paaghu pait

¹ Muun, lepoogh tsiam, ene imin yes mateegha. Pasaa, lemmi ŋgar eta pa Maaron mako, ve irau agham ŋgar poia eta mako. Saawe isov, yam amamalaan pa tutuun tooni, ve agham ŋgar sasaghati naol. *

² Saawe tana, laghoon tsiam, yam ataghon ŋgar to taan, ve alonloon Sadan aliinŋa. I daaba to yes avuvu sasaghati tau tilepleep izi sambam saamba, ve ipapazaagh yes tau tizoroor Maaron aliinŋa. *

³ Ve yam mon mako. Yei paam. Pasaa, muun iit tasov rarateen. Saawe isov, tataghon ŋgar sasaghati naol tau loloon munŋaana ipapazaagh ghiit pani. Pasaa, iit tamtamon to taan gabuaan tauvene. Tipoop ghiit toman ŋgar saghati. Tauta muun, aatyavyav to Maaron igheen toit raraate imin tamtamon tisov to taan. *

⁴⁻⁵ Saawe tana, iit taleep imin yes mateegha. Leen ŋgar pa Maaron mako, ve irau tagham ŋgar poia eta mako. Saawe isov, tamamalaan pa Maaron tutuun tooni. Eemon Maaron, i poia

* **1:22-23:** Ro 12:5; 1Kor 12:27; Kol 2:10 * **2:1:** Kol 2:13 * **2:2:** Yo 8:44; Ep 6:12; Kol 3:6+ * **2:3:** Mbo 51:5; Ro 1:18+; Tit 3:3

puughu, ve loolo isaghatin ghiit. Ve loolo igheen toit kat ve ighe igham poghani ghiit. Tauta igham mulin ghiit itaghon tauu loolo ve poia tooni, ve ipaburigin ghiit tomania Krisi gha tagham lepoogh paaghu ila tooni. *

⁶Ve aazne, ene imin i igham iit tamtamon tau tapaak Krisi ve taleep ila tooni ne, gha itinja Krisi tazala nugh sambam ve taleep tomania ila niia to ghamuun pooz. *

⁷Ila uraat to Yesu Krisi, Maaron igham poghani ghiit kat. Poia tau i itotoia pait, ene tiina le tiina kat. Pale taghuru iza to saa? Mako. Gabua eta irao mako. I igham tauvene, leso ipaghazonjai poia tooni ivot ighazon ta aazne, ve saawe murei paam.

⁸Tauvene yam tau aghur ila to Krisi na, Maaron igham mulin gham itaghon tauu loolo ve poia tooni. Gabua tana ivot itaghon ngar poia eta tau yam aghamu ne mako. Ene Maaron igham payam sorok. *

⁹Tauvene i igham poghani gham itaghon ngar poia eta tau yam aghamu ne mako. I igham payam sorok. Leso tamtamon eta ipait tauu sov.

¹⁰Iit tamtamon tau tapaak Krisi ve taleep ila tooni ne, tamin gabua tau paghunazi kat. Maaron tauu ighur ghiit, ve igham ghiit tamin paaghu, leso tagham uraat popoia tau i tauu ighur zi pait pataghaan na. *

Krisi ilup yes Yuda ve yes tau Yuda mako na timin

* **2:4-5:** Yo 3:16; Kol 2:12+; Tit 3:4+ * **2:6:** Kol 3:1+ * **2:8:** Ro 3:24-28; Ga 2:16 * **2:10:** 2Kor 5:17; Ep 4:24; Tit 2:14

eemon

¹¹ Yam tau Yuda mako na, matamim ingal. Muuñ, yes Yuda tipapakur tauzi tighe yes, o tirav warozi. Ve tivevelegh gham tighe yam tirav waromim mako. Eemon uraat to ravuun tamtamon warozi, ene gabua to uliin mon tau tamtamon tigham pa nimazi. Ene igham gabua eta pa loloon mako.

¹² Saawe tana, yam aleep soghan pa Krisi, ve irau yamña Maaron tamtamon tooni Israela avalupu gham mako. Muuñ, Maaron yesña yes Israela timbu saveen to tivalupu zi timin eemon, ve i imbu saveen popoia naol pazi. Eemon yam lemim ezamim pa saveen mbuaan tawe mako. Pasaa, yam siñ ite. Ve lepoghamim izi taan, ene aghilaal gabua popoia tau Maaron ighe igham pait ne mako. Pasaa, saawe tana, yam awataghi mako. *

¹³ Eemon aazne, yam amin Krisi le ve apaak ila tooni. Tauvene yam zeran tau muuñ aleep soghan pa Maaron na, Krisi siñ tooni imin eez payam gha alam agharau Maaron wa. *

¹⁴ Tauvene Krisi tauu ta imin puughu pa luuma to Maaron ilam pait, ve igham ghiit itiña Maaron tavalupu ghiit tamin eemon. Aghita. Muuñ, koi isap yes Yuda ve yes tau Yuda mako na sosozi imin didiin tiina, le irau tivalupu zi mako. Eemon saawe tau Krisi ibaad yavyavuun gha imaas, i ireu didiin tiina tawe izi, ve ilup zi timin eemon.

* **2:12:** Ro 9:4 * **2:13:** Ro 5:2; Kol 1:20; Hib 12:23

* *

15-16 Muuñ, tutuuñ ve saveeñ ngalsekiñ naol tau Mose isavia na, igham Yuda ve yes tau Yuda mako na tivaghuru koi pa tauzi ve tileep soghan soghan. Eemon saawe tau Krisi ibaad yavyavuun gha imaata izala ai pambaroon, i ipasov tutuuñ tomania ngalsekiñ naol tawe. Tauta igham ngar luuma ivot, ve ilup yes tau tileep ila tooni na timin eemon. Pasaa, saawe tau i imaata izala ai pambaroon, i irav motin koi tau isap itinja Maaron sosoon na, ve ilup ghiit tomania Maaron tamin eemon. Tauta ipasov koi tau muuñ isap Yuda ve yes tau Yuda mako na sosozi paam, ve ilup zi timin lupuuñ eemon. *

17 Ve i ilam ivotia saveeñ luuma pait ighe: “Aleep toman lolomim luuma. Pa koi isap yamña Maaron sosomim muul mako.” Saveeñ tane ilat pa yam tamtamon tau muuñ aleep soghan pa Maaron na, ve injaruñ yei Yuda tau nileep nigharauu ne paam. *

18 Pasaa, Krisi ta imin eez pa Avuvu eemon ilup ghiit tasov, ve Avuvu tana iuluul ghiit to tala tagharau Tamaan Maaron, lesu itinja tasavsav. Yam tau Yuda mako na, ve yei Yuda paam. *

19 Tauvene aazne, yam amin loomba, ma

* **2:14:** Tutuuñ naol to Mose isaav tauvene: Yes Israela aat tileep soghan pa yes tau Yuda mako na (Ughita Igham 23:24, 32-33, 34:12-16). Ve muuñ, didiñ tiina ee ilivut Rumei Tiina. Didiñ tawe, tighur paesiñ katini igheen ila. Isaav tauvene: “Ighe tamtamon eta tau Yuda mako na, imalaan pa didiñ tane ve ilon ila, i aat imaata.”

* **2:14:** Ro 5:1; Ga 3:28; Kol 1:20+ * **2:15-16:** Kol 2:14 * **2:17:** Is 57:19; Lu 2:14; Mbanj 10:36 * **2:18:** Ro 5:2; Ep 3:12; Hib 10:19+; 1Pe 3:18

suumbu muul mako. Yam amin Maaron tamtamon tooni, ve yamŋa tamtamon tooni patabuyaana asov to nugh sambam. *

²⁰ Yam amin rumei to Maaron malimoonŋa siriv. Rumei tawe, Maaron irao iyooz izala yes mbanoonŋa to Krisi ve yes propet uraat toozi. Ve Yesu Krisi, i maet tau imin puughu pa rumei tana ve ipaloti.

²¹ Ve ikisiir rumei malimoonŋa tisov tighen tunja ila niazi, ve ighamgham uratoini, lesa izaa imin tiina, ve imin Neer Tiina niia patabuyaana to lepoogh. *

²² Tauvene yam paam, yamŋa tamtamon tisov tau tipaak Krisi ve tileep ila tooni na, Krisi ighamgham uratoi gham, ve iluplup gham. Lesa amin Maaron Avuvu niia to lepoogh. *

3

Paulus le uraat to ivotia ngar yonŋaana to Maaron pa nugh nugh tau Yuda mako

¹ Puughu tane ta yau Paulus naghe naghur gham ila sunjuunŋ tsiau. Yau besoonŋa to Yesu Krisi, ve naghhamgham uraat to nauul yam tamtamon tau Yuda mako na. Tauta tighur ghau naleep ila ruum to yavyavuunŋ loolo. *

² Yam aat aloonŋ varug wa. Maaron ighur uraat ila nimag to nauul gham, lesa awatagh eez tau i itotoi poia tooni pait ve igham mulin ghiit. *

* **2:19:** Pil 3:20; Hib 12:22+ * **2:21:** Mt 16:18; 1Kor 3:11; 2Kor 6:16 * **2:22:** 1Pe 2:5 * **3:1:** Ep 4:1; Pil 1:7; Kol 4:3 * **3:2:** Mbanŋ 9:15; Ga 2:7

³ Eez tane, muun̄ iyoon̄. Eemon Maaron ivotia payau gha naghazoon̄ pani wa. N̄gara siriv ta yau nasavia ila rau tsiau wa.

⁴ Ighe awaat rau tane, ene pale aghilaal aghe uraat to Krisi n̄gara, ene yau naghazoon̄ pani. N̄gar tana, muun̄ iyoon̄. Ve aazne, Maaron ivotia ighazoon̄ wa.

⁵ Ta muun̄ ve ilam, Maaron ivotia n̄gar tana pa iit tamtamon mako. Eemon aazne, ila uraat to tauu Avuvu, i ivotia n̄gar tana pa yes mban̄oon̄a tooni patabuyaana ve yes propet siriv, le ivot ighazoon̄.
*

⁶ N̄gar yongaan̄a tana, ene vene: Yes tau Yuda mako na, vaaru poia imin eez pazi gha timin Krisi le ve tipaak ila tooni. Tauta aazne, yesna yes Yuda timin lupuun̄ eemon, ve yesna ezazi pa ghamuun̄ lepoogh poia ila to Maaron itaghon saveen̄ mbuaan̄ tooni. *

⁷ Yau, Maaron igham poghani ghau itaghon tauu loolo ve poia tooni, ve tapiri igham uratoi ghau, tauta namin besoon̄a tooni, ve leg uraat to navotia vaaru poia tane pa tamtamon. *

⁸ Onoon, yau poiag mako. N̄gar saghati tau muun̄ naghamghamu na, ene igham ghau naleep murei geeg pa Maaron tamtamon tooni tisov. Eemon Maaron igham poghani ghau kat itaghon tauu loolo ve poia tooni, ve ighur uraat ila nimag to navotia Krisi vaaru pa nugh nugh tau Yuda mako na. Leso tiwatagh Krisi tapiri tomania n̄gar popoia maata maata tau igheen tooni, ve gabua

* **3:5:** 2Pe 1:21 * **3:6:** Ga 3:14, 28+; Ep 2:14+ * **3:7:** Ro 1:5; Kol 1:23+

popoia tau i ighe igham pait. Gabua tawe, ighe tagham ngar pani, ene aat ngar toit imbool. *

⁹ Maaron ighur gabua naol isov tivot. Muun ve ilam, i ivotia ngar tooni ighazoon mako. Igheen to tauu mon. Eemon aazne, i ivotia ighazoon wa. Ve ighe yau napaghazonai tamtamon tisov pani, leso tiwatagh eez tau i igham ngar tooni yongaanja tawe ighur anoonja. *

¹⁰ Maaron igham tauvene, leso yes anela tomania gabua arianaazi siriv tau tileep izi sambam ve tighamgham pooz na, matazi izilam pa iit tamtamon tau taleep ila lupuun to Krisi ne, ve tighilal ngar popoia maata maata tau igheen to Maaron. *

¹¹ Gabua naol tane itaghon Maaron tauu ngar tooni tau igheen muun geeg ve ilam, saawe tau sambam ve taan tivot soone. Ve aazne, Tiina toit Yesu Krisi igham anoonja ivot wa.

¹² Tauvene iit tau taghur ila to Krisi ve tapaak ila tooni ne, irau tala tagharau Maaron ve tasavsavv tomania. Taroi sov. Pa iit tawatagh: Gabua eta ipoon ghiit pani muul mako. *

¹³ Tauvene onoon, uraat tau yau naghham payam, tauta imin puughu payau gha aazne nabaad patanani. Eemon naghe napalot gham tauvene: Patanani tau nabaado ne, igham lolomim ipatanan ve itatan gham sov. Ayooz ariaan, ve tintinmim. Pa uraat tsiau tane pale imin eez payam to aleep tomania Maaron ila mbonari

* **3:8:** 1Kor 15:9+; 1Tim 1:13+ * **3:9:** Ro 16:25+ * **3:10:** Ro 11:33; 1Pe 1:12 * **3:12:** Yo 14:6; Ro 5:2; Ep 2:18; Hib 10:19

lolo. *

Sunjuun to Paulus

¹⁴ Yau naghham ngar pa ngar popoia naol tau Tamaan Maaron igham pait na, tauta naput agheg pani [ve naghe naghur gham ila sunjuun tsiau.]

¹⁵ Maaron, i imin puughu pa gabua naol isov. Gabua to sambam ve gabua to taan paam. Ve i imin tamazi, ve yes tisov tigham ezazi ila tooni.

¹⁶ Maaron toit, i eeza tiina kat pasaa, i irau kat pa tapiri, ngar, ve gabua popoia maata maata. Yau naghasoni naghe igham Avuvu Patabuyaanj ileep tunja ila lolomim, ve ipariaanj gham pa tauu tapiri, leso ayooz ariaanj. *

¹⁷ Ve naghe i igham gham aghur ila to Krisi kat, ve Krisi ileep tunja ila lolomim. Ve akis ngar to loloon pa Maaron ve tamtamon ariaanj imin ai waria ikor taan, ve ayooz ila ngar tana. *

¹⁸ Ve naghe yamnja Maaron tamtamon tooni patabuyaanja asov aghilaal ngar to Krisi tau i lolo igheen toit kat. Ngar tooni tawe, ene tiina le tiina kat. Pale taghuru izaa to saa? Pasaa, ila le ila malau kat, ve izala le izala saanja kat, ve izila le izila kat. *

¹⁹ Naghe Maaron igham gham aghilaal katin ngar to Krisi tau lolo ighengheen toit ne. Eemon aat arao mako. Pasaa, ngar tooni tana iliiv iit tamtamon ngar toit. Isaav ighe Maaron igham

* **3:13:** Pil 1:12+; Kol 1:24 * **3:16:** 1Kor 16:13; Ep 6:10; Kol 1:11

* **3:17:** Yo 14:23; Kol 1:23, 2:7 * **3:18:** Mbo 103:11; Kol 2:2+

gabua naol tana ivot payam, ene aat ipavon gham pa tapiri ve n̄gar tooni popoia naol isov. *

²⁰ Maaron tapiri tau aazne ighamgham uraat ila loloon ne, ene tiina le tiina kat. Tauvene saa gabua tau ighe taghason pani, ma mataan ingali, ene i irau igham pait. Ve tane mon mako. Gabua katini tau iit tagham n̄gar pazi mako na, i irau igham zi paam. Pasaa, gabua eta ikeeka mako.

²¹ Tauvene iit tau tapaak ila to Kriisi ve taleep ila lupuuñ tooni ne, aat tapait Maaron eeza pa tapiri ve poia tooni irau saawe. Ta aazne, ve taghon taghon gha ila. Onoon.

4

Gabua siriv tau ilup Kriisi tamtamon tooni timin eemon

¹ Yau naleep ila ruum to yavyavuun̄ loolo pasaa, namin Tiina toit Yesu le, ve naghamsam uraat tooni. Yau naghe napalot gham tauvene: Maaron igham poghani gham, ve ipoi gham gha amin i le wa. Tauvene laghoon̄ tsiam, yam aat ataghon n̄gar poia tau iduduun̄ pa poin̄ tooni tawe. Yam aat ataghon n̄gar tauvene: *

² Apait taumim ezamim sov. Saawe isov, yam aat atatan ezamim izila kat, ve ataghon n̄gar marowa. Ve isaav ighe tamtamon tigham saghatin gham, yam ayatu sov. Abaado mon, ve aghur lolomim pazi, ve agham poghani zi. *

³ Iit tamtamon to Kriisi, Maaron Avuvu ilup ghiit tamin eemon wa. Tauvene yam aat ataghon n̄gar

* **3:19:** Kol 2:10 * **4:1:** Ep 3:1; Pil 1:27; 1Tes 2:12 * **4:2:** Ga 5:22+; Kol 3:12+; 1Tes 5:14

luuma. Pa ngar tana, ta ikis lupuun to Krisi, lesa tavalagh ghiit sov, ve taleep poi. *

⁴⁻⁶ Aghita. Lupuun eemon to Krisi ta ighengheen. Ene iit tamtamon tooni tau tamin Krisi anooja. Ve Maaron Avuvu eemon ta ilepleep. Ve saawe tau Maaron ipoi gham amin le, i ipoi gham to aghur matamim pa gabua eemon. *
Ve Tiina toit eemon, ghuruun ila toit eemon, ghamuun yaa toit eemon, ve Tamaan eemon. Ene Maaron. Gabua naol isov tileep ila i saamba, ve i igham uraat ila gabua naol isov sosozi, ve ileep ila loloz. *

Maaron ighur uraat maata maata irau iit enjaena

⁷ Krisi igham poghani ghiit, ve irei tapiri tiina ve ngar popoia maata maata irau iit enjaena. *

⁸ Saveena ighen pataghaan wa. Ighe:

“I iparav le iliiv koina. Ve saawe tau izala saana, igherev eval tiina tau i iyau zi timin le na gha yesna tila, ve irei gabua popoia pa tamtamon.” *

⁹ Saveen tau ighe i izala saana na, puughu tauvene: I izala mon mako. Papazoge i izilam taan, ve imaat gha izila kat mateegha nugh toozi. Ve iburig muul, tauta izala. *

¹⁰ Tauvene neer tau izilam taan, tauta imuul izala pa sambam tau ighen saana le saana kat we.

* **4:3:** Kol 3:14+ * **4:4-6:** Iit Kristen taghurghur mataan pa saawe to itina Krisi tavalupu ghiit izi nugh sambam, ve taleep ila yesuru Taama Maaron mbonarizi. * **4:4-6:** Ro 11:36, 12:5; 1Kor 8:6, 12:13; Kol 1:5 * **4:7:** Ro 12:6; 1Kor 12:4+ * **4:8:** Mbo 68:18; Kol 2:15 * **4:9:** Yo 3:13

Leso ileep irau nugh ta naol ne, ve inginiir gabua naol isov. *

¹¹ Krisi ighur uraat maata maata ila nimaan, lesa tapalot lupuuŋ tooni. Tamtamon siriv timin mbaŋooŋa tooni, siriv timin propet, ve siriv tivovotia vaaru poia pa yes tau tighur ila mako na. Ve siriv lezi uraat to nginiin lupuuŋ to Krisi, ve tipaghazoŋai tamtamon pa Maaron aliija. *

¹² Krisi ighur uraat tauvene ila nimaan, lesa tapalot Maaron tamtamon tooni, ve anazi tibeas poi pa Maaron ve tamtamon paam, ve tigham uratoi lupuuŋ to Krisi le ivot kat itaghon ngar tooni.

¹³ Iit aat taghamgham tauvene, le iit tasov ghuruuŋ ila toit raraate ve tawatagh katin Maaron Naatu. Lesa lupuuŋ toit eemon, ve ngar toit imatough, ve tataghon suvinia ngar to Yesu Krisi. *

¹⁴ Tauvene iit tataghon ngar imin yes geegeu muul sov. Pa geegeu tikis Maaron aliija tunja mako. Yes timin waan tau yaghur ve dibom ivatokini ilala ilamlam. Isaav ighe zeran tau tirau kat pa ghamuuŋ karom na, tilam ve tiwat zi, ene pale rekia mon ve tighur ila karom toozi, ve tipul eez to Maaron. *

¹⁵⁻¹⁶ Eemon iit tagham tauvene sov. Iit aat loloon pa tamtamon ve tagham poghani zi, ve tasavia saveeŋ onoon mon pazi. Ve tazuari ghiit le tataghon duduuŋai ngar isov to Krisi, ve tapaak ila tooni tunja. Pasaa, i ta imin daaba pait, ve iit tau

* **4:10:** Mbaŋ 1:9; Ep 1:20+; Hib 4:14 * **4:11:** Ro 12:6+; 1Kor 12:27+ * **4:13:** 2Kor 3:18; Kol 1:28, 2:2 * **4:14:** 1Kor 14:20; Yems 1:6

taleep ila lupuun tooni ne, tamin i anoonja siriv siriv. I ilup ghiit tamin eemon, ve ikis ghiit tunja, leso tagham uraat toit toit. Ve uraata tooni timin senjaanja, ve tikor anoonja siriv siriv tawe, ve tikis zi timin eemon, ve tipapalot zi. Isaav ighe loloon pa tauun, ve iit enjaanja tagham dudunai uraat toit toit, ene aat lupuun to Krisi ivot imin tiina, ve iyaryaan. *

Tataghon ngar paaghu to Krisi

¹⁷⁻¹⁸ Tauvene yau nasaav ariiaan payam ila Maaron eeza: Yes tau tiwatagh Maaron mako na, yam ataghon ngar toozi muul sov. Pa ngar toozi le anoonja poia eta mako. Ngar toozi iyaryaan tigde tizoor Maaron aliinja ve titaghon ngar to ndoroom. Tauta ikau ngar toozi le tileep soghan pa lepoogh poia tau iit taghamu ila to Maaron ne. *

¹⁹ Matazi saghati kat. Ve mayazi rigta mako. Tila pa naghozi mon. Saa ngar to uliin tau matazi injgali, ene tighamu mon. Tauta tighamgham ngar sasaghati naol tau ingalaan ila Maaron maata mako. *

²⁰ Laak, saawe tau yam aghur ila to Krisi, ve tipaghazonai gham pa eez tooni, tisaav payam to ataghon ngar tauvene? Mako kat!

²¹ Yau nawatagh: Yam aloon Yesu vaaru, ve tipaghazonai gham pa saveen onoon tau igheen tooni na le aghazon panii.

²² Yes tisaav payam tauvene: Muun, lolomim ipapazaagh gham pa ngar sasaghati naol tau le anoonja mako. Eemon aazne, yam aat apul

* **4:15-16:** Ep 1:22; Kol 1:18, 2:19 * **4:17-18:** Ro 1:21; Ep 2:12; 1Pe 4:3 * **4:19:** Ro 1:24; Kol 3:5; 1Tes 4:5

murimim pa ngar munğaana tana imin nonoghiinja tau aghita isaghat ve asiki ilale. Ataghoni muul sov. Pa ngar tauvene, pale ivaghamun gham. *

²³ Ve tisaav payam tighe yam aat apul Maaron itoor ngar tsiam tomania lolomim imin paaghu. *

²⁴ Maaron ighe igham ngar tsiam imin paaghu kat, lesa ataghon saveen onoon, ve ngar tsiam iduduun ve patabuyaan imin i tauu. Tauvene yam aat agham ngar paaghu ila tooni, imin tamtamon tau iyol ghi pa nonoghiinja paaghu. *

²⁵ Tauvene, yam asov apul ngar to ghamuun karom ileple, ve asavia saveen onoon mon pa taumim. Pa iit tamin Krisi anoonja siriv siriv, ve i ilup ghiit tamin eemon wa. *

²⁶ Isaav ighe atemim yavyav, na ayamaan gham. Pale agham sosor. Tauvene agharaat lolomim pataghaan le isov, o aaz izila. *

²⁷ Aghur sooso pa Neer Saghati sov. *

²⁸ Ve yes umbuunja tium irao. Yes aat tiburig, ve tigham uraat popoia siriv pa tauzi nimazi. Lesa tigham lezi gabua ve tiuul yes mbolaanja. *

²⁹ Ve saveen saghati eta ivot ila avomim sov. Asavia saveen popoia mon tau irau iuul tamtamon, ve ipalot zi pa saa ngar tau timbool pani na. Lesa saveen tsiam imin eez pa poia to Maaron iza toozi. *

* **4:22:** Kol 3:7+; Hib 12:1; 1Pe 2:1 * **4:23:** Yo 3:3; Ro 12:2

* **4:24:** Ro 6:4; 2Kor 5:17; Kol 3:10 * **4:25:** Sek 8:16; Kol 3:8+

* **4:26:** Mbo 37:8; Mt 5:22+; Yems 1:19+ * **4:27:** Ep 6:11; Yems

4:7; 1Pe 5:9 * **4:28:** Igham 20:15; 1Tes 4:11+; 2Tes 3:8+ * **4:29:**
Ep 5:4; Kol 3:8, 4:6

³⁰ Ve agham Avuvu Patabuyaan to Maaron loolo ipatanan sov. Pa i ta imin ilaal payam ighe yam amin Maaron le wa. Isaav ighe i ileep ila lolomim, na yam awatagh: Saawe tau Krisi imuul ilam, i aat igham mulin gham, ve aleep poi. *

³¹ Tauvene ngar to njuuaan, ateen yavyav, kisiin aatyavyav toit, kokaan, bobaan soroksorok, ngaliin saveen, ve sikiin saveen veleghiin, tomania ngar sasaghati siriv paam, na igheen ilat tsiam sov. Apuliir zi tisov tileplez.

³² Ve avaghamu poghani gham, lolomim isaghatin zeetmimna, ve avagharatoi lolomim ve apul sosor to zeetmimna, imin Maaron ireu sosor tsiam ila uraat to Yesu Krisi. *

5

¹⁻² Maaron loolo igheen tsiam kat, ve igham gham amin i tauu natna. Tauvene lagoon tsiam, yam aat ataghon ngar tooni, ve lolomim pa tamtamon tisov ve agham poghani zi, imin Krisi loolo pait ve ipul tauu gha imaat pait. Ngar tau i ighamu na, ene igham Maaron loolo poia imin watoonrau tau vaazi poia kat. *

Taleep soghan pa ngar sasaghati

³ Ngar to ghuruun boog, ngar to mataan saghati imin ngavuun, ve ngar to mataan gabua, yam aleep soghan pani. Ngar tauvene ivot ila sosomim sov, ve asavia rigta sov. Pa yam amin Maaron

* **4:30:** 2Kor 1:22; Ep 1:13+; 1Tes 5:19 * **4:32:** Mt 6:14; Kol 3:13

* **5:1-2:** Mt 5:48; Yo 13:34; 1Pe 1:15+; 1Yo 3:16

tamtamon tooni patabuyaana wa. Isaav ighe agham ngar tauvene, ene iduduun mako. *

⁴Ve saveen saghati eta ivot ila avomim sov. Tauvene asavia saveen malwaata sov, ayau avomim pa saveen soroksorok sov, ve asavia saveen saghati imin mogheraan sov. Pa ngar tauvene, ene iduduun mako. Yam irau apait Maaron pa poia tooni toman lolomim poia. *

⁵Ve aloon. Isaav ighe tamtamon eta ighurghur boog, ma maata saghati imin ngavuun, ma maata gabua, ene i ileep ilon ila pooz to Krisi mako, ve eeza pa ghamuun lepoogh poia izi Maaron nugh tooni mako. Pasaa, ngar tauvene, ene imin tabees pa maaron karom. *

⁶Tauvene matamim imomoos poi pa taumim. Mako pale tamtamon titombaan gham pa saveen toozi soroksorok, ve tigherev gham pa ghamuun ngar sasaghati naol tau yau nasavi zi ne. Ve yam awatagh: Yes tau tizoroor Maaron, ve tinoknok ghamuun ngar tauvene, ene pale aatyavyav to Maaron izaa toozi. *

⁷Tauvene yam apaak zi pa ngar toozi tawe sov. Aleep soghan pazi.

Tataghon ngar to ghazona

⁸Muun, yam ataghon ngar to ndoroom. Eemon aazne, yam apaak Tiina toit Yesu, ve ghazona tooni isul gham. Tauvene laghoon tsiam, yam aat ataghon ngar to ghazona.

* **5:3:** 1Kor 6:18+; Ga 5:19; Kol 3:5; 1Tes 4:3 * **5:4:** Ep 4:29

* **5:5:** 1Kor 6:9; Syg 21:8 * **5:6:** Ro 1:18; Kol 3:6

⁹ Ghazonja to Krisi, anoonja tauvene: ngar popoia maata maata, tomania ngar duduunja, ve saveen onoon. *

¹⁰ Ve azuari gham to aghilaal ngar tau igham Maaron loolo poia. *

¹¹⁻¹² Ngar to ndoroom, le anoonja poia eta mako. Tauvene yam aleep soghan pani. Ve yes tau titaghon ngar tauvene na, avotia sosor toozi, leso tighilaalo, ve tipuli. Pa ngar tau tighamghamu imin ngozaan na, ene saghati kat. Ighe tasavia, ene pale mayaan. *

¹³ Eemon ghazonja to Krisi ipaghazonjai gabua naol isov tivot tighazonj. *

¹⁴ Ve ghazonja tooni isul zi, ve itoor zi. Leso anazi titotoi ghazonja tooni. Puughu tane ta tisavsaav tigde:

“Yo tau ugheen na, uburig pa mateegh. Leso ghazonja to Krisi isul ghom.” *

Ngar to yes tau titaghon pooz to Avuvu Patabuyaanj

¹⁵ Tauvene matamim pa laghoonj tsiam poi. Yes tau tikankan pa Maaron ngar tooni na, yam ataghon zi sov. Yam aat aleep imin yes tau tighazonj pa Maaron ngar tooni.

¹⁶ Isaav ighe yam irau agham ngar poia, na aghamu pataghaan. Pa aazne, taleep ila saawe saghati. Tauvene takankan pa murei. Pale irau aghamu, ma mako?

* **5:9:** Ro 13:12; 1Yo 1:7, 2:9+ * **5:10:** Ro 12:2 * **5:11-12:** Mt 18:15; 1Kor 5:9+; 2Kor 6:14 * **5:13:** Yo 3:20+ * **5:14:** Ro 13:11

17 Tauvene agham n̄gar to yes kankanoon̄a sov. Azuari gham le aghazoon̄ pa n̄gar tau Maaron loolo pani na. *

18 Ve aghun yaa ariaan̄a le avaghamgham sov. Pale agham n̄gar naol tau ivaghamunia taumim. Yam aat apul Avuvu Patabuyaan̄ ipavon gham pa n̄gar tooni ve tapiri, ve igham pooz payam irau saawe. *

19 Saawe tau alup gham, asavia mboun̄ to yes Israela, ve ambou mboun̄ to sun̄uun̄ tomania mboun̄ siriv tau Maaron Avuvu igham payam na paam. Leso apait Maaron eeza, ve apariaan̄ taumim paam. Yam aat ambou toman lolomim ve apait Tiina toit Yesu. *

20 Ve saa gabua tau ighe ivot payam, poia ma patañani, na lolomim poia pa Tamaan Maaron, ve apaiti ila Tiina toit Yesu Kriisi eeza irau saawe. *

21 Yam aroron pa Tiina toit Yesu Kriisi, ve aghe ataghon n̄gar tooni. Tauvene atatan taumim ve aleep ila zeetmim̄a sambazi. *

Saveeñ tau in̄arui yes vaivaiñ̄a

22 Tauvene yam zilivaa, aleep ila azuwamim̄a sambazi ve ataghon n̄gar toozi, raraate imin aleep ila Kriisi saamba ve ataghon n̄gar tooni. *

23 Pa azuwamim̄a zitamoot, yes timin daaba payam, ve tigham pooz payam, raraate imin Kriisi imin daaba pa lupuun̄ tooni, ve ighamgham pooz pazi. Lupuun̄ tooni, ene imin i tauu anoon̄a. Ve i

* **5:17:** Ro 12:2 * **5:18:** Lu 21:34; Ro 13:13 * **5:19:** Kol 3:16

* **5:20:** Kol 3:17; 1Tes 5:18; Hib 13:15 * **5:21:** 1Pe 5:5 * **5:22:** Gnp 3:16; Kol 3:18; 1Pe 3:1+

ipul tauu gha imaat pazi, tauta igham mulin zi gha tileep poi. *

²⁴ Tauvene yam zilivaa aleep ila azuwamimᵑa sambazi, ve ataghon ᵑgar toozi pa gabua naol isov, raraate imin lupuuᵑ to Krisi tileep ila i saamba, ve titaghon ᵑgar tooni.

²⁵ Ve yam zitamoot, lolomim igheen to azuwamimᵑa kat ve agham poghani zi, raraate imin Krisi loolo igheen to iit tau taleep ila lupuuᵑ tooni ne, ve ipul tauu gha imaat pait,

²⁶ leso igham ghiit tamin Maaron tamtamon tooni patabuyaᵑa. Ve irughuuz ghiit pa yaa tomania saveeᵑ tooni, tauta tangalaᵑ ila Maaron maata wa. *

²⁷ Pasaa, i ighe lupuuᵑ tooni ivot kat [imin livaa tau ighe ivai ve igharaat ghi le paghuuna kat]. Leso saawe to Mboᵑ Murei, i igham iit tau taleep ila lupuuᵑ tooni ne, ve itiᵑa tavalupu ghiit tamin eemon, ve iit popoiaan ila i maata. Leen sosor eta mako, ve ᵑgar saghati eta igheen toit muul mako, ve tataghon ᵑgar patabuyaᵑ mon. *

²⁸ Tauvene yam zitamoot aat ataghon Krisi ᵑgar tooni tawe paam, ve lolomim pa azuwamimᵑa ve agham poghani zi, imin lolomim pa taumim anoᵑamim. Pa ᵑeer tau ighe loolo pa azaawa ve igham poghania, ene i loolo pa tauu ve iuul tauu paam.

²⁹ Aghita. Tamtamon eta ighur koi pa tauu anooᵑa mako. Iit tasov mataan pa tauun anooᵑaan

* **5:23:** 1Kor 11:3; Ep 1:22+; Kol 1:18 * **5:26:** Yo 15:3; Ga 1:4; Kol 3:19; 1Pe 3:7 * **5:27:** 2Kor 11:2; Kol 1:22; Tit 3:5; Hib 10:22

ve taŋgini poi. Kriŋi itaĝhon ŋgar raraate mon pa iit tamtamon tau taleep ila lupuuŋ tooni ne.

³⁰ Pasaa, iit tamin i tauu anooŋa siriv siriv. *

³¹ Saveeŋ to Maaron igheen pataghaaŋ tauvene:

“Puughu tane ta tamoot eta ighe ivai, i aat ipul taama ma tiina, ve yesuru azaawa tivalupu zi timin eemon.” *

³² Saveeŋ tane, ŋgara tiina, ve puughu yonĝaaŋa igheen ila. Ene nasavia vaiŋ ŋgara siriv tau iŋaruŋ Kriŋi ve lupuuŋ tooni. *

³³ Eemon saveeŋ tane iŋaruŋ għiit paam. Tauvene yam zitamoot asov lolomim igheen to azuwamimŋa ve agham poghani zi, imin lolomim pa taumim. Ve yam zilivaa atandagh pa azuwamimŋa, ve apakur zi.

6

Saveeŋ iŋaruŋ yes geegeu tomania tamazŋa ve tinazŋa

¹ Yam geegeu amin Tiina toit le wa. Tauvene alooŋ tamamimŋa ve tinamimŋa aliŋazi. Pasaa, ŋgar tane, ene iduduunŋ ila i maata. *

²⁻³ Alooŋ Maaron aliŋa tane:

“Matam lonlonjai pa tamam għa tinam, ve utandagh pazi.” *

Tutuunŋ tane, ene tutuunŋ imin maata tau saveeŋ mbuaaŋ igheen ila. Saveeŋ tauvene:

“Leso uleep poi, ve uleep malau izi taan.”

* **5:30:** Ro 12:5; 1Kor 12:27
Syy 19:7 * **6:1:** Kol 3:20+

* **5:31:** Gnp 2:24; Mt 19:5
* **6:2-3:** Igham 20:12; Mt 15:4

* **5:32:**

⁴ Ve yam tamazña, avaghamunia natumimña lolozì sov. Pale agham zi atezi yavyav sorok. Yam aat angin zi poi, ve apaduduunj zi toman saveen marowa itaghon eez to Tiina toit. *

Saveen injarui yes besoonja sorok ve daaba toozi

⁵ Yam besoonja sorok, aloonj daaba tsiam aliñazi ve atandagh pazi, ve abees pazi poi toman lolomim, raraate imin abesbees pa Krisi. *

⁶ Agham karom pa uraat sov. Besoonja siriv, isaav ighe daaba toozi tileep tomani zi ve tighit zi pa uraat toozi, ene pale tigham katin uraat, lesò tigham zi lolozì poia. Ve saawe tau daaba toozi tipul zi ve tila, mako tigham poghania uraat mako. Yam agham tauvene sov. Pa yam besoonja to Krisi. Tauvene yam aat agham uraat tsiam toman lolomim. Lesò ataghon Maaron ngar tooni.

⁷ Tauvene tinimim ibees pa uraat tsiam. Pa uraat tau aghamghamu na, yam agham pa tamtamon mon mako. Yam agham pa Tiina toit Yesu paam.

⁸ Ve yam awatagh: Saa uraat poia tau ighe iit taghamu, ene aat Maaron igham leen atuya poia itaghon uraat to iit enjaenja. I pale igham tauvene pa tamtamon tisov. Yes besoonja sorok, ve yes tau besoonja mako ve tinjin tauzi na paam. *

⁹ Ve yam daaba paam, atotoi ngar to Krisi pa besoonja tsiam. Aparoi zi sorok sov. Pa yam awatagh: Yamña besoonja tsiam lemim daaba eemon. I Tiina tsiam tau ileep izi sambam. Ve i igham ngar pa tamtamon ezazi mako, ve ivool to

* **6:4:** Lo 6:7; Lp 22:6 * **6:5:** Kol 3:22; 1Tim 6:1; Tit 2:9+; 1Pe 2:18

* **6:8:** Mt 25:34+; 2Kor 5:10

tamtamon eta mako. I itaghon n̄gar eemon pa tamtamon tisov. *

Gabua to malmal tau Maaron igham pait

¹⁰ Yau naghe n̄parwai saveeñ tsīau tane, ve isov. Yam aat agham tapirimim ila to Tiina toit. Pasaa, i saksaki, ve tapiri tiina kat. *

¹¹ Ve yam aat agharaat gham pa gabua isov to malmal tau Maaron igham pait. Leso saawe tau igh̄e N̄eer Saghati iwat gham ma itom̄baan gham na, yam aat ayooz tuñ̄ia. *

¹² Pa yam awatagh. Itiña tamtamon to taan taparav mako. Aazne, gabua sasaghati naol tau tapirizi ve ezazi tintiina na timin koiaan̄ja ve tapaparav tomani zi. Gabua tawe tileep ila n̄iazi ta saan̄ja we, ve tighamgham pooz toman tapirizi, les̄o tipalot n̄gar to ndoroom izi taan. *

¹³ Tauvene yam aat agharaat gham, ve aghur gabua isov to malmal tau Maaron igham pait. Leso saawe tau igh̄e tovaan̄ saghati ivot payam, na yam ayooz tuñ̄ia, ve aparav ariaan̄ le aliiv tovaan̄ tana. Eez to ayooz tuñ̄ia, ene vene: *

¹⁴ Yam aat akis saveeñ onoon, ve atagioni toman lolomim. Pa ene imin puus to ikis nonoghiin̄ja tsiam. *

Ve yam aat ataghon n̄gar duduun̄ja. Pa ene imin gabua ariaan̄ja to ipoon gargarimim pa zaab. *

* **6:9:** Ro 2:11; Kol 4:1 * **6:10:** 1Kor 16:13; 2Tim 2:1 * **6:11:** Ro 13:12+; 2Kor 10:4 * **6:12:** Ep 2:2; 1Pe 5:8+ * **6:13:** 2Kor 6:7, 10:4 * **6:14:** Saawe tau yes zaaba to Rom tila pa malmal, tiput nonoghiin̄ja toozi izāa, ve tipoosi pa puus. Leso tilaan kat. * **6:14:** 1Tes 5:8

15 Ve vaaru poia tau isavia eez to itinja Maaron ve tamtamon tavalupu ghiit tamin eemon na, yam aat agharaat gham pa votiaanji irau saawe. Pa ngar tauvene pale ipalot gham imin azuz zuzuunja to aghemim ve alaagh. *

16 Tauvene yam ataghon ngar isov tana, ve akis ghuruunj ila tsiam ariaan. Pa ghuruunj ila tsiam, ene imin sigheu to ipoon gham pa paneegh natja tisov to Neer Saghati tau yav ighanghan ila matazi na.

17 Ve uraat to Yesu Kresi tau igham mulin ghiit na, aghamu imin lemim. Pa ene imin hat ariaanja to ipoon dabamim pa zaab. Ve saveenj to Maaron tau Avuvu Patabuyaanj igham pait na, yam akisi imin lemim mbuzaagh. *

18 Ve asunj itaghon pooz to Avuvu Patabuyaanj irau saawe. Aghason Maaron to iuul gham pa gabua ta naol ne. Ve tinimim imum pa sunjuun sov. Amamaat ariaanj, ve aghur Maaron tamtamon tooni patabuyaanja tisov tila sunjuun tsiam. *

19 Ve aghur ghau ila sunjuunj tsiam paam. Asunj Maaron to ipalot ghau ve igham pooz pa saveenj tsiau. Leso saawe tau navotia mos tooni pa tamtamon, naroi sov, ve napaghazonjai zi kat pa vaaru poia tau muunj iyoonj ve aazne ivot ighazonj wa. *

20 Yau naghram Tiina toit aavo, ve navovotia saveenj tooni pa tamtamon. Tauta tighur ghau naleep ila ruum to yavyavuunj loolo, ve tikau

* **6:15:** Is 52:7; Ro 10:15 * **6:17:** 1Tes 5:8; Hib 4:12; Syg 19:15

* **6:18:** Lu 18:1; Kol 4:2; 1Tes 5:17 * **6:19:** Ro 15:30+; Kol 4:3; 2Tes 3:1

ghau pa sen. Tauvene yam lolomim iveegh payau sov. Aghur ghau ila sunjuun tsiam. Leso naroi sov, ve nayooz ariaan, ve navotia dudunai vaaru poia itaghon Maaron njar tooni. *

Paulus ipasov saveen tooni

²¹⁻²² Tonvetaz toit Tikikus, i besoonja poia ee to Tiina toit Yesu Kresi, ve lolog igheen tooni kat. Yau nambaano ilat, lesu ipaes payam poi pa lepoghamai ve uraat tsiei, ve ipalot gham pa saveen siriv paam. *

²³ Yam tonvetaz, Tamaan Maaron yesuru Tiina toit Yesu Kresi aat tingin gham asov aleep poi, ve luuma toozi iza tsiam. Ve tipalot gham, lesu lolomim pa tamtamon ve agham poghani zi, ve aghur ila ariaan.

²⁴ Ve tamtamon tisov tau lolozi isaghav Tiina toit Yesu Kresi ariaan na, poia tooni iza toozi taghon taghon gha ila. Onoon.

* **6:20:** Mbanj 28:20; 2Kor 5:20 * **6:21-22:** Mbanj 20:4; Kol 4:7+

**Maaron Saveen Tooni Patabuyaang
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.
Sampela hap Buk Baibel long tokples Saveeng Tuam
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Mar 2026 from source files dated 12 Dec 2025

adb844f0-d769-5b05-9dd0-7c01fca938bb